



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU

## Curiosidadis

Su 27 de cabudanni de 151 annus a oi est nàscia in Nùgoro Gràtzia Deledda. In calincunu lìburu e biografia chi dda pertocat perou agataus sa data de su 28 de cabudanni ca su babbu dd'iat arregistrada in s'anàgrafi sa dii agoa cun su nòmini de Grazia Maria Cosima Damiana.

Sa de cincu de seti fillus iat studiav finsas a su de cuàturu de is annus scolàsticus, po nexi de cantu s'acostumàt a fai cun is fèminas in cussu tempus, e a pustis iat sighiu a ddu fai de manera privada (gràtzias a su babu chi fiat impresàriu e cultori de poesia sarda) e po contu suu.

Iat inghitzau a si fai connosci a s'acabu de su Otuxentus cun is primus scritus publicaus me in arrevistas e gazetas e in is primus annus de su Noixentus fiat andada a bivi in Roma cun su pobiddu chi in s'interis iat decìdiu de lassai su traballu suu de funtzionàriu de su Ministeru po si dedicai a sa scritura de issa. In sa capitali italiana iat atobiau su scritori Luigi Pirandello chi ndi iat tentu una chistioni po nexi de su romanu "Suo Marito" chi custu iat scritu po stroci su maridu de issa, tanti chi Gràtzia Deledda si fiat furriada contras de sa seconda publicatzioni de su romanu, arrennescendi-nci, e finsas contra a sa candidadura po su Nobel in su 1934.

In su 1926 iat bintu su Prèmiu Nobel po sa literadura "po sa potèntzia de scriidora sustènnia de unu bideali artu, chi arrapresentat manixendi in formas beras sa vida aici cumenti est in s'isula arrenconada innui est nàscia e chi cun unu sentidu fundudu chistionat cun bivesa de is chistionis chi pertocant is interessus de totus". A oi est tambeni sa sola fèmina nàscia a intru de su terròriu italiano chi at bintu unu Nobel po sa literadura e s'at lassau medas lìburus de importu mannu.

Sa màgini alliongiada amostat s'arretratu de Gràtzia Deledda fatu de Plinio Nomellini in su 1914



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU

## Curiosidadis

